



UNIVERSITÄTS-
BIBLIOTHEK
PADERBORN


Conceptvs Chronographicvs De Concepta Sacra Deipara

Zoller, Joseph

Augustæ, Anno 1712

Præfatio Ad Lectorem.

[urn:nbn:de:hbz:466:1-75950](https://nbn-resolving.org/urn:nbn:de:hbz:466:1-75950)



P R Æ F A T I O

AD

L E C T O R E M.



Nnus imminebat, quem solenniter modò agimus, Mille-
simus, Septingentesimus, Duodecimus, invec̄ta ad SS. UDALRICUM, &
AFRAM, Benedictinæ nostræ coloniæ septimâ vice Sæcularis; cùm inte-
rior Ecclesiæ nostræ Monastico - Parochialis facies, ad omnem splen-
dorem, ac majestatem, noviter exornanda suscipiebatur, decorique
Domûs DEI, tot pretiosis Sanctorum Martyrum, ac Episcoporum exu-
vijs inlytæ, multipliciter amplificando, nullæ formidabantur impentæ, compluribus
opificibus, artificibusque, longo admodum tempore, piâ, sed sceneratitiâ Reveren-
dissimi, ac Amplissimi Domini, Domini nostri Abbatis WILIBALDI prodigalitate
in Monasterio sustentatis. His igitur omnibus, labori quolibet suo, ac industriâ, stre-
nuâ assiduitate intentis, occasionem sumpsi & ego, vacuas (si quæ superessent à quo-
ridianis curæ Parochialis negotijs) horas in id impendere, ut Opus quoddam Chrono-
graphicum, Anno currenti, ac Sæculo nostro septiès absoluto correspondens, pro te-
nuitate meâ, in lucem proferrem: indignum omninò ratus, reliquis in Parochiali nostrâ
Ecclesiâ splendide adornandâ tam assidue laborantibus, solum non laborare Paro-
chum, tempori Sæculari vel ideò plùs cæteris obligatum, quia Anno similiter Sæcu-
lari, Millesimo nimirum, Septingentesimo, ad curas Parochiales gratiosè assumptum,
atque nostri etiamnum Sæculi tempore, indignum licèt, idem munus per Parochiam
nostram Udalricanam administrare permissum. Porro circâ materiam, proposi-
to huic negotio subijciendam, dum paulisper hæsitarem, quantocyùs in mentem ve-
nit illa, quæ ex melleo Clarevallensîs nostri Abbatis eloquio, *Serm. 2. in Pentec. Nego-
cium est omnium Sæculorum*, quæ etiam dulcissimam sui memoriam, similibus præsertim tem-
poribus, singulariter exposcere videtur, dicens: *Memoria mea in generatione Sæculorum*.
Eccli. c. 24. v. 28. Eâpropter, cùm purissimæ hujus DEI, hominumque communis
Parentis obsequijs me jam pridem millenis ex titulis dedicâssẽ, atque sæpiùs, quâ
in re tandem conceptum DEI Genitricis amorem, promptamque Ejus honoris pro vi-
ribus promovendi voluntatem patefacere possem, sollicitè mecum ipse meditarer:
scribere demùm, occasione dicti Sæculi nostri, quædam constitui de MARIA, & qui-
dem sine omni labe conceptâ, tot Illam vicibus Chronographicè exhibendo immacula-
tam, quot annos hætenùs, nimirum septingentos, BENEDICTINI ad SS. UDALRICUM
& AFRAM, DEO conservante numeravimus. Huic ergo negotio non obiter tan-
tùm perficiendo, haud secùs, ac si structura quædam sublimis, atque elegans mihi eri-
genda foret, varios hinc inde lapides collegi, ac quidem pro fundamento centenos
Sacræ Scripturæ Textus studiosè conquisitos posui, in subjectam Conceptionis materi-
am, facili (ut mihi videbatur) labore, totidem Conceptibus explicandos. Centenas
præterea Summorum Pontificum, Conciliorum, vel certè Patrum diversorum Au-
thoritates, quasi totidem columnas, sustentandæ moli necessarias substitui. Fenestra-
rum locò, per quas lumen reciperetur, centum Rationes, seu singularis hujus MARIANÆ
prærogativæ congruentias, ex diversis facultatibus petitas adjunxi. Ad interiorem
quendam ædificij ornatum, Historias, seu miracula centum de eâdem materiâ, quasi
totidem elegantes picturas exhibui. Centum insuper Symbola, seu Emblemata, purissi-
mæ

(b)

mæ

Præfatio ad Lectorem.

mæ Conceptionis, velut totidem specula pellucida appendi, quibus centenas Antiquitates, MARIÆ jugiter applicatas superaddidi, Peristromatum, seu Tapetum variarum munia non ineptè subeuntes. Ostia, seu introgressum ædificij pandere debebat ingressus ad eam Archangelus Gabriel, ipsissimis supernæ legationis litteris, MARIAM, destinatam DEI Matrem, centeno Anagrammate, eoque purissimo, purissimam salutans, ac immaculatam. Tecto opus non videbatur ædificio huic MARIANO, à Spiritu Sancto jugiter obumbrato.

Nec deerant certè aliæ quædam rationes, cur Sæculi nostri tempore, negotium hoc, de Beatissimâ DEI Genitrice, spontè in me susceperim; Enimverò, cum mecum sæpiùs perpenderim, quàm fervidè, per tres jamjam annos, à Superioribus meis fuerit laboratum, quatenùs Sacra illa Beatissimæ DEI Parentis Effigies, frontispicio domûs prædicatoriæ (per quam ad Baptisterium nostrum sæpissimè mihi, ex officio, procedendum est) jam Anno 1458. ab Udalricanis MARIÆ cultoribus, in publicam transeuntium venerationem, appicta, atque non ita pridem, violento & nefando modo, ab Augustanæ Confessioni addictis destructa, denuò ab iisdem restitueretur, ac decernentibus præsertim iteratis Sac. Cæs. Majestatis gratiosissimis Rescriptis, in pristinum statum (Anni nimirum 1624. conformiter instrumento pacis) novis depicta coloribus redigeretur: at interveniente, proh dolor! præmaturâ Augustissimi piissimæ memoriæ Imperatoris, JOSEPHI I. morte, suspensâ etiã nunc hæreat nostra expectatio, cujus (si Superis placeret) executio gaudium haud dubiè omni ex parte plenum Sæculo nostro Udalricano conciliaret, &c. Ego interim aliam Beatissimæ Virginis Imaginem, purissimam nimirum, ac prorsus immaculatam MARIÆ Conceptionem, per Conceptum quendam Chronographicum substituere, eidemque Virgini, in aliqualem compensationem illatæ ab hostibus suis injuriæ, humillimè dedicare, ac consecrare volui: ut eo opere maximè placerem immaculatæ, cujus illam argumento maximè placuisse DEO, persuasum mihi habeo. Nec verò dubito, Numine favente, CAROLOQUE VI. Augustissimo noviter electo Imperatore, pro justitiâ decernente, aliam quoque Imaginem illam, à nostris tam justè, quàm fervidè repetitam, proximè pro voto ab adversarijs restituendam. Sperare nimirum id jubet ipsamet Virginis Immaculatæ Conceptio, cujus nupera Solennis Festivitas eò extitit hic Augustæ gloriosior, quo feliciori ipsiusmet Augustissimi Imperatoris præsentia, ac singulari, vereque Hispano - Austriacâ devotione, tam erga Augustissimum Altaris Sacramentum (quid enim est Eucharistia *Hispanis*? nonnè *his panis*, nempe vitæ? cujus autem panis est *Eucharistia*? nonnè *hic Austriae*?) quàm erga immaculatam Agni immaculati Matrem, ad summam Catholicorum ædificationem, A Catholicorum verò nausæam, fuit concelebrata. Et fanè, cum Monarcha ille Augustissimus, *Virtute Patrum* ter secundus, unicus quidem superstes, sed pro voto totius Christiani orbis, meritò MVLtPLICanDVs, Paternæ tum virtutis, tum potentia hæres, Augustissimæ Coelitem Imperatrici à teneris jamjam annis addictissimus, genuinus Leopoldinæ Aquilæ pullus, Oeniponti à Tyrolensibus subditis paullò antè debitum suscepisset homagium, non sub aliâ quidem juramenti formulâ, quàm illâ, quæ ab Augustissimo gloriosissimæ memoriæ Parente, LEOPOLDO, jam Anno 1691. in singularem Immaculatæ Conceptionis honorem laudabilissimè præscripta, omnibusque hæreditarijs tam superioris, quàm inferioris Austriae Provincijs sanctissimè observanda proponebatur, nimirum: *Sic me DEUS adjuvet, Concepta sine omni maculâ Beatissima DEI Mater, & omnes Sancti*: cum præterea inde itinere Augustam versùs suscepto, post devotionem suam, ad Tavmaturgam in campo Lycio Virginem, in Vigiliâ ejusdem immaculatæ Conceptionis, ferventissimè perfolutam, Civitatem nostram Augustanam, præ communis magnitudine gaudij vix semet capientem ingrederetur, ac per Portam rubam primùm, deinde per eandem prorsus viam, quâ ad supradictum prædicatoriæ domûs frontispicium, Sacrà Imagine spoliatum, pergitur, ad preparatum sibi Imperiale Palatium magnâ cum pompâ deduceretur: quid aliud nobis, id felicissimè spectantibus, ominari licebat, quàm Eundem, ut proximis diebus Francosurti gloriosissimè coronandum, ita justissimæ quo-

que

Præfatio ad Lectorem.

que causæ nostræ iudicem, Virginei que honoris propugnatorem zelosissimum simul, ac potentissimum, specialiter à DEO submissum? Cui propterea dictam transvecto plateam haud immeritò, ad horti nostri Monastici murum, Festivissimum Pegma erectum, notuque gratulabundi, ac artificiosi ignes, tam in eodem horto, quam ex altissimâ Turri nostrâ accensi, plaususque insoliti, non in Vigiliâ tantum, sed & in ipsâ Sacræ Conceptionis Festivitate, nescio CVI potius? an nimirum Conceptæ Virgini Immaculatæ, in Carolo VI. vel Carolo VI. in Conceptâ Virgine Immaculatâ? dati fuerunt ab Udalricanis, utrique devotissimis.

Habes ergo, Lector amicissime! causas suscepti, hoc tempore, negotij mei, *De conceptâ Sacrâ Deiparâ*, quod licet opus fortassis exiguum tibi videri possit, utpote de Mysterio, nostris jam temporibus, per seipsum adeò commendato, ut meis ultra laudibus minimè indigeat; haud tamen exiguo labore confici potuisse, facilè tibi persuasum habebis, si non tam materiam ipsam, quæ unica est, considerâris, quam multiplicia Sacræ Scripturæ, Patrum, Rationum, Historiarum, Symbolorum, Antiquitatum, Anagrammatum, septem Indicibus instructorum, suffragia perpenderis, ac septingenta insuper, super unum, eundemque currentem Annum, Chronographica ponderâris. Mihi certè negotium istud Sæculare, de *negotio omnium seculorum*, minimè irreligiosum visum est: nec infructuosum etiam fuisse videbitur, si Tibi quoque Conceptûs mei structuram non displicuisse intellexero; Quemadmodum enim eorum quasi omnium, quæ de Beatissimæ Virginis purissimâ Conceptione, pro Concione, aut discursu, produci possunt, breve quoddam exhibet compendium; sic eò Tibi gratius, ac utilius esse poterit, quo magis tanti Mariani Mysterij, ac prærogativæ devotè credendæ, Virgineæque opis, pro evitandâ omni, tum corporis, tum animæ maculâ, continuo implorandæ studiosus fueris. Perlege igitur, si lubet, omnî tamen remoto supercilio, omnique cenforiâ abjectâ potestate, Conceptum hunc Chronographicum, & fruire dapibus, quas ille tibi proponit, dulcè Deiparentis memoriâ conditis! si sapiant, da gloriam DEO, ejusdemque immaculatæ Matri: si inspidæ videantur, compatere scriptoris imbecillitati, culpamque occupationibus potius Parochialibus, calamoque minùs practico adscribe, quam voluntati, quæ nec peccare in MARIAM, sine peccato conceptam voluit, nec cuiquam displicere intendit.

Diu vale! ac tandem vive
per Sæcula!

